

Muher no kier su yiu di nueve año mas na cas

ORANJESTAD (AAN): Un situacion hopi delicado a presenta su mes Diamars atardi na Tanki Leendert, unda varios hende a mira con abiertamente un muher tabata maltratando un mucha na un forma feroz.

Diferente hende a pasa man pa telefon pa cuminsa pidi yudanza di Polis, pasobra loke nan ta mirando ta socede, tabata demasiado pisa!

Asina autoridad a move cu rapidéz pa e lugar aki na Tanki Leendert, y asina a bin haya sa kico ta pasando.

E muher a resulta di ta mama di e mucha chikito aki.



Pero mesora e muher a indica na Polis, cu ya su buchi a yena y e no kier e mucha aki mas! Pues e ta dicidi di aleha di su propio yiu menor di edad.

E mucha aki di 9 año di edad, ainda tabatin golpi na su curpa.

Polis a nota cu esaki ta un caso delicado, y mesora a dicidi cu nan ta bay cu e mucha aki pa Warda di Polis, pa asina laga un investigacion cuminsa. Esaki ta encera cu ta bay

yama Voogdijraad pa atende e mucha, y posiblemente tambe yama un Psicologo pa check e muher.

Aki sigur lo cuminsa busca den profundidat, kico e origen di e problema ta. Autoridad kier haya sa, kico a pone cu e muher tuma e decision extremo, cu e no kier e yiu aki mas. Anto cu apenas 9 año di edad, si acaso e mucha ta difícil... tog ainda ta trempan pa haci tur intento pa drecha su comportacion.

DIARIO ta spera cu e

profesionalnan local lo sa di yuda e famia aki, pa asina e decision extremo aki no

cristaliza den un decision final. Un happy ending lo ta mihor.

Suceso

Atencion mandatario, crimen ta aumentando!

ORANJESTAD (AAN): Den dos dia di tempo a keda registra varios delito na Recherche y polis uniforma. Entre otro segun e relato policial cu 12 caso di ladroncia y kibra den auto ta menciona.

Fuera den dos caso tambe a worde denuncia na Polis tin di haber cu ladroncia cu kiebra den negoshi. Locual ta residencia (cas) ladron nan a comete un total di 12 ladroncia cu kiebro.

Ladroncia comun, segun e raport ta señala, cu tin dos caso reporta. Mientras joyride (ladroncia di auto) tin cuatro caso denuncia.

Por ultimo patruxa a atende 6 caso cual tin di haber cu alcohol. Tambe Polisnan a tende control den trafico. E control a inicia pa 7 or di mainta y a termina den careda di tres'or di atardi. Na e accion aki 5 polis encarga cu distrito di San Nicolas a participa.

Un total di 37 verbaal a worde reparti na chofèrnan cu no a tene nan mes na velocidad stipula den bebouwde kom.

Participacion di Community Pool

ORANJESTAD (AAN):— Siman di vakantie di school for di 2 oktober te cu 6 di oktober 2006 NO tin les di landamento. Community Pool ta habri pa publico durante e siman di vakantie.

Pa grupo di minimo 20 persona e Pool tin pakete hopi especial durante e temporada di vakantie. Les di Landamento ta sigui manera e programa riba Dialuna, 9 oktober 2006.

BEST DEAL

Tel: 5827100

(Pariba di Aruba Bank, Paradera)

BEST SHOPPING DEAL

Turibana Plaza

Tel: 5865455



**Tur Pronkstuk
di Olifanti
50% OFF**

PARLAMENTO TA PESTA DI DIABLO!!

